



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**MARTYROLOGIVM.|| DER Kirchenkalen=||der/**

**Canisius, Petrus**

**Dillingen, 1599**

**VD16 M 1284**

26 A Dionysius erster Bisch zů Augspurg vnd Marterer.

**urn:nbn:de:hbz:466:1-41449**

A Quarto calend. Martij.

## Der XXVI. tag im Hornung.

**B**est ist der Tag des H. Bischoffs vnd Martirers Dionysij / wellicher S. Hilarie Bruder / vnd inn der Diocletianischen verfolgung vonn S. Narcisso dem Spanischen Bischoff bekört / vnd zum ersten Augspurgischen Bischoff gesetzt / endlich vñ Christi willen verbrennt ist worden / darvon weyter am 7. tag Augustmonats.

Item inn der Statt Pergen / inn Pamphilia gelegen / der Geburtstag des heyligen Bischoffs Nestoris / wellicher in der Decianischen verfolgung / tag vnd nacht im Gebett / begeret gnad vnd stercke für die Christen. Als er aber nun gefangen / den Namen des H. Erren mit wunderbarer freyhait vnd künhait bekennete / ward er an ein Rahm greulich außgestreckt / vnd an ein Creuz auffgehendet / daran er die Marterkron erlangte.

Anno dñi  
252.

Item zu Alexandria des heyligen Bischoffs vnd würdigen alten Manns Alexandri / der ein Jünger des heyligen Petri (vonn welchem am ersten tag Herbstmonats) gewesen / der auch den Ersklerischen Priester Arrium mit Göttlicher warhait überwunden / auß seiner Kirchen gestossen / vñ mit 318. Vätern im Nicenischen Concilio verdampft hat. Entschlieff im H. Erren / seines

Anno Dñi  
340.

alters im 98. jar.

Item der H. Fortunati / Felicis / vnd anderer sieben vnd zweingig.

Item

## Februarius

Item in Archiacenser Landschafft des H. Beichtigers Victoris / vonn wellichem S. Bernhard öffentlich prediget / vnd Gesäng gemachet / Vide Epistolam Bernardi. 312.

Item in Palestina bey der Statt Gaza / des H. Bischoffs Porphirij / der voller tugenden bey 25. jar die Gazenser Kirchen löblich regiert / vñ wider die Abgöttischen Hayden ein tapffern Kampff vberstanden / bis daß er endlich in dem H. Ern rühete.

Item in Irland des H. Bischoffs Dgahnt.

Item selige gedächtnuß Jacelini / Priors der grossen Carthaus / ist ein Gottseliger vnd Tugentreicher Mann gewesen.

g Tertio calend. Februarij.

## Der XXVII. Tag im Hornung.

**Z**u Alexandria ist heut der Tag des leydens des H. Marteners Juliani / der seiner krankheit halben weder gehn noch stehn konte / vnd darumb in einem Sessel getragen / vñnd mit sampt seinem Diener Euno zum Richter gebracht worden. Da müßten sie baide auff Camehl sitzen / vnd worden durch die ganz Statt geführet / auch in anschawung des Volcks mit Gerten geschlagen / so lang bis sie baid vnder den schlägen ihr leben endeten.

Item inn Hispanien / inn der Statt Hispali / der Geburtstag des heyligen Bischoffs vñnd Beichtigers Leandri / auß welliches Predig vñnd fleiß das ganz grobe Gotische Volck durch den König Recharedum vonn dem